

# KENESIS

## NETIYI UGI RA POTNI

- Ra potni Nōbū yīmetipe pōkop mūnemap. Im ne- 1  
map yeti sumpelūlya im nūrū wokon, im nīlebōkevat 2  
yeti ran tan tok. Im Naviat eni Nōbū yīmiri ran tan tok. 3  
Im Nōbū yimenūwi memokū, Etepū nilara, im nilara  
yetepū.
- Im Nōbū yokesi pe nilara memokū aremī; im Nōbū 4  
yetipe nugkon nilara im nugkon nīlebōkevat. Im Nōbū 5  
yīmatov nin nilara memokū Dan; miyi yīmatov nin  
pe nīlebōkevat memokū, Pūmrok. Im pōarap yeti, im  
prūbokom yeti, dan ra nōbūm.
- Im Nōbū yōmenūwi memokū, Etepū unēi īlebōteven 6  
nū su woretewafwi nugkon im nugkon nū sū. Im Nōbū 7  
yimumpi unēi mō metewafwora nū sū ra mumpon unēi  
im nugkon nū sū ran tan unēi, im yōmeti sugkū. Im 8  
Nōbū yīmatov nin unēi memokū Pōkop. Im pōarap  
yeti, im prūbokom yeti, dan dūrūgi.
- Im Nōbū yōmenūwi memokū, Etepū sīmsīmok-onda 9  
nū sū ra mumpon pōkop ra sī nūrū, mō metūratumpeni  
nūrū-nlx, im yōmeti sugkū. Im Nōbū yīmatov nin pe 10  
nūrū-nlx memokū Nemap; miyi yīmatov nin pe nū sū  
mori dūtīn sīmsīmok-onda memokū, Tok-sū. Im Nōbū  
yokesi pe memokū aremī.
- Im Nōbū yōmenūwi memokū, Etepū topavū unemap, 11  
im nē sū umproketeli gi novsen, im novūan nē sū īteni  
umprokovūo ra nemap gi novsen ugi potni en irora.  
Im yōmeti sugkū. Im topavū yīmetepū unemap, im 12  
nē sū yumproketeli gi novsen ugi potni pe en irora, im  
nē sū īteni dumprokovūo gi novsen ugi potni pe en  
irora. Im Nōbū yokesi pe memokū aremī. Im pōarap 13  
yeti, im prūbokom yeti, dan deselugi.
- Im Nōbū yōmenūwi memokū, Etepū ov nilara 14  
unēi unpōkop woretewafwi dan im pūmrok; mirora  
wanti nīmsīn ōvun safi, im nīmsīn ov nīmpugon, im  
nīmsīn dan sū, im nīmsīn nevi sū. Mirora wantepū ov 15

- nilara ūnēi ūnpōkop worovugi nilara ra nemap; im  
 16 yōmeti sugkū. Im Nōbū yimumpi dūrū nilara tamas;  
 sī nilara mōmū tamas nīmsīn dan, im sī pe itemelepon  
 17 nīmsīn pūmrok. Miyi yimumpi mosi sū sugkū. Im  
 Nōbū yimetipe irora ra ūnēi ūnpōkop worovugi nilara  
 18 ra nemap, im nīmsīn dan im nīmsīn pūmrok, im wore-  
 tevafwi nilara im nīlebōkevat. Im Nōbū yokesi pe me-  
 19 mokū aremī. Im pōarap yeti, im prūbokom yeti, dan  
 devatugi.
- 20 Im Nōbū yōmenūwi memokū, Etepū nomū mīntī-  
 ndamsah ra nū sū mō melegetevtevi tamas, im menōk  
 21 worokīp ūnēi ūnpōkop. Im Nōbū yōmumpi ōvun  
 umpelefī, mov nūrah sū nomūrep mori nū sū dūmū-  
 tandamsah ugi potni pe en irora. Im Nōbū yokesi pe  
 22 memokū aremī. Im Nōbū yivīeves irora mō menūwi  
 memokū, Utepū ūtandamsah mūlegetevtevi ūlepun tok,  
 mō mūvuara gi nū sū; mūtepū mūlegetevtevi menōk ra  
 23 nemap. Im pōarap yeti, im prūbokom yeti, dan sūkrī-  
 mugī.
- 24 Im Nōbū yōmenūwi memokū, Etepū nūrah sū no-  
 mūrep ra nemap ugi potni pe en irora, nūrah sū en  
 tamas im nūrah sū mōmū ugi potni pe en irora ra  
 25 nemap; im yōmeti sugkū. Im Nōbū yimumpi ōvun  
 nūrah sū ra nemap ugi potni pe en irora, im nūrah sū  
 en tamas ugi potni pe en irora, im tiame sū mintave-  
 karara ugi potni pe en irora. Im Nōbū yokesi pe memokū  
 aremī.
- 26 Im Nōbū yōmenuwi memokū, Kos menumpi neteme  
 sugkū kos, ra safi enugkos, mirora wonari iranda nomū  
 ran tok, im menok, im nūrah sū en tamas, im ra nemap  
 omwisū, im ran tiame sū mori umīntavekerara ra nemap.
- 27 Im Nōbū yimumpi neteme ra safi enī, ra safi enī  
 Nōbū iyi yimumpi iyi, itnateman mītnasiven iyi yimumpi  
 iroran dūrū.
- 28 Im Nōbū yivīeves irora, im Nōbū yenūwi pun ōra  
 memokū, Utepū ūtandamsah mō mūvuara gi ra nemap,  
 kūonari iranda nomū ran tok, im menok, mōvun tiame  
 29 sū umprokomūrep mori umīntavekarara ra nemap. Im  
 Nōbū yōmenūwi memokū, Pah, ya kosī novug kūm,  
 nē sū omwi sū mori umīnteli ugi novsen ra nemap, im  
 nē sū mori umampūo gi novsen, mirora sū mori wanti  
 30 enugkimi worenī. Im ya kosī novun-ōra ōvun nūrah

sū ra nemap, im menōk sū, im tiame sū mori umnomūrep mori sū umintavekarara ran tan nemap, topavū en telimte omwi sū nimsin nevag; im yōmeti sugkū.

Im Nōbū yokesi en tiame sū mori iyi yipmumpi, im 31  
pah! yimokū pe aremī indōwi. Im pōarap yeti, im  
prūbokom yeti dan mīsekīugi.

Im pōkop mūnemap mōvun tentūrū sū ra mumpon 1 2  
irora dūti nokompeli sū. Im Nōbū yimtampeli ōvun 2  
numpūrah sū eni ran dan sū mīsekī, miyi yemindog ran  
dan sūkrīm-narūgi marugi ov numpūrah sū eni, omwisū  
mori iyi yipmumpi.

Im Nōbū yivīeves pe dan sūkrīm-narūgi mō mumpi 3  
memokū pe tumpora, popōwo ra iman dan mori iyi  
yemindog marugi ov numpūrah sū eni omwi sū mori  
Nōbū yipmetipe mō mumpi.

Imo sū yeti nate potnin pōkop mūnemap, pol sugkū 4  
Iehōva Nōbū yipmetipe irora ran dan mori iyi yī-  
pmumpi pōkop mūnemap, mōvun nōvo dūtūtepū ra 5  
nemap, it iyi Iehōva Nōbū yetūmumpi gi nebīb woromol  
ra nemap, im yetū sī neteme worokeli nemap. Kō 6  
ūmōap yisah yimnē ra nemap mō mavūwi tan nemap  
omwisū.

Im Iehōva Nōbū yimumpi neteme gi navivon nemap 7  
mo mesumsah ra worokolag eni gi nesumsah nomūrep,  
im neteme yetepū naviat mumprokomūrep.

Im Iehōva Nōbū yimumpi denūok ūnūrū ra Iden, 8  
im yūi iyi yimetipe neteme mori iyi yipmumpi. Im 9  
Iehōva Nōbū yimumpi tiame nē sū nilaswi marimī  
woreni woreteli ra nemap; im nē ra nomūrep sugkū  
ilebōteven denūok, im sī nē noīntan aremī im sat.

Im nīntelep yimorari yimnē ra Iden woressōsowi de- 10  
nūok; yimnē ra nūrū yūi yimsug devat. Nin pe ra 11  
nōbūm Pison; imō mori umnagkx ugi nūrū ra Havila;  
iyūi kōld. Im kōd rap nūrū yūi oti aremī; im yūi 12  
sugkū bedōlal im nevat sōham. Im nin pe nīntelep 13  
dūrūgi Kihon, imō mori umnagkxugi nūrū ra Etiopia.  
Im nin pe deselugi Hīdikel; imō mori umnot rari 14  
ūnūrū ra Asīria. Im nīntelep devaug-i Yūfrētes.

Im Iehōva Nōbū yimpasewugi neteme mō metipe 15  
iyi ran denūok Iden worokeli pe mō mafīnte pe.

Im Iehōva Nōbū yimpasewugi neteme mō menūwi 16  
pugi memokū, Kik oneni novūan nē sū ran denūok;

- 17 kō sī nē noĩntanwi, nē worokili aremī ĩm sat, Etũon ĩmpe; popōwo ran dan mori kĭk onenĩmpe, itnesog kĭk mamas.
- 18 Im Iehōva yĩmenũwi memokũ, Otũ aremī neteme worete e kō sī, ya konumpi sī naveri nĩsekon sugkũ iyi.
- 19 Im Iehōva Nōbũ yĩmumpi gi nemap ov nũrah sũ en tiame nomũrep ra netē nũrũ sũ, menōk sũ ũnēi, mō ĩmtōr-ōra pugi neteme worokili sũ sugkũ iyi onatov ninda; mima mori neteme yĩmatov ninda nũrah sũ
- 20 nomũrep yeti ninda sũ. Miyi neteme yĩmatov ninda ōvun nũrah sũ en tamas ĩm menōk sũ ũnēi, ĩm nũrah sũ nomũrep ra netē nũrũ sũ; kō nĩsekon neteme yetũ sī naveri sugkũ iyi.
- 21 Im Iehōva Nōbũ yĩmumpi Adam woralēepatemas, miyi yĩmalēepō, miyi yĩmpī sī nĩmperi eni mō ĩmsumpat
- 22 fan memēekceki. Im nĩmperi mori Iehōva yĩmpī marugi neteme iyi yĩmumpi nasiven mo ĩmtōr-iyi pugi neteme mori. Miyi neteme yĩmenũwi memokũ, ĩmō
- 23 marima oti nōiran ra nōirag sũ, ĩm fan ra fan enyx, ĩm popōwo pe sugkũ anti natov nin eni magkũ Nasiven,
- 24 ĩt iyi yeti nevī marugi neteme. Popōwo pe sugkũ sī neteme awi ĩtemen eni ĩm dĩneme eni mō mantindōwi ũndũ retepon eni; miroran dũrũ wanti fan sī teven.
- 25 Mirora dũavan e wokon, neteme mori ĩm retepon eni, mō mũtũ arumprum.

- 3** 1 Im neskil yeti nĩmpiri mōmu ra nũrah sũ ra netē nũrũ sũ mori Iehōva Nōbũ yĩmumpi, miyi yĩmenũwi pugi nasiven memokũ, Itnesog kũ? Iehōva yĩmenũwi memokũ, Kũtũ oneni nē sũ omwisũ ran denũok ku?
- 2 Im nasiven yĩmtamsi pugi neskil memokũ, Ka kũ oneni
- 3 novũan nē sũ ran denũok, kō ra novũan nē mori ĩle-bōteven denũok Iehōva yĩmenũwi memoku, Kũtũ onĩmpe mori, kũtũ osugkori, kũ ĩtnesog kĩmi kũamas.
- 4 Im neskil mori yōmenũwi pugi nasiven memokũ,
- 5 Tawi, kĩmi kũtũ amas; popōwo Nōbũ umagkili magkũ ran dan mori kĩmi kũ onen ĩmpe kũanelampalam neme-temi, ĩm kĩmi kũantepũ sugkũ Nōbũ worokili aremī ĩm sat.
- 6 Im nasiven mori yĩmokesi nē mori aremī nĩmsĩn nevag, ĩm nĩlaswi, ĩm nē worelasĩvian worevī nōĩntanwi ugi, miyi yĩmesevi novũan enĩmpe mō meni, mō movugi
- 7 asũon eni sugkũ ũndũ iyi, miyi yeni. Im nĩmũnda dũti

nelampalam, mirora dūkili ma iroran dūavan e wokon, mirora dūteri nugkelin natug mō mumpi ov numpelat nisekonda.

Mirora\* dūrīgi navian eni Iehōva umprokavan ran 8  
denūok ra nimpugon nariovcyū, miyi neteme im rete-  
pon eni dūamon marugi nīpmi eni Iehōva Nōbū ile-  
bōteven nē sū ran denūok.

Im Iehōva Nōbū yovrugi neteme mori memokū, Ia 9  
kik ? Miyi yīmtamsi pugi memokū Ya orīgi naviam ran 10  
denūok im ya kumtetug Kik popōwo ya avan e wokon;  
im ya amon.

Miyi yōmenūwi pugi memokū, Mē onūwi pug kik 11  
memokū, kik avan e wokon ? Kik oni novūan nē mori  
yx mīmpasewug kik mokū, Kotū onimpe, kū ? Miyi 12  
neteme yōmenūwi memokū, Nasiven mori kimovo-yx  
woretīndōwi ūndū yx, yovo-yx enimpe im ya oni.

Im Iehōva Nōbū yōmenūwi pugi nasiven memokū, 13  
Tiē imō kik umpi ? Im nasiven mori yīmenūwi pugi  
memokū, Neskil mori yīmpirīgi yx im ya oni.

Im Iehōva Nōbū yenūwi pugi Neskil memokū, Po- 14  
pōwo kik umpi imō kik oti navoret tamas mōmū ra  
ovnūrah sū ra netē nūrū sū, im ran tan netnīn enugkik  
kontavekarara, im kik oneni navivon dan sū omwisū  
enugkik. Im ya kantipe nakan ilebōteven kik im 15  
nasiven, milebōteven ov novsen enugkik im Novsen  
eni nasiven. Iyi mori ontandokon numpūm, im kik  
ontandokon masūri eni.

Miyi yōmenūwi pugi nasiven mori memokū, Ya 16  
kantipe nesorūn tamas iram, im nasx ugi netum; kik  
amol ovun nītumo ugi sokomulepwi, im kik onelasivian  
asūm miyi onari-sah iram.

Miyi yōmenūwi pugi neteme mori memokū Popōwo 17  
kimovendegugi navian eni retepmi, mō meni novūan  
nē mori yx mīmpaseug-kik ugi memokū, Kik otū one-  
nimpe, oti navoret nemap popōwo kik umpi imō, im  
konen-impe marugi pe ra nesorū dan sū omwisu enu-  
gkik. Nemap onteli gimpe ōvun nīmratx im topavū 18  
sat im kik oneni ov nugkelin nē sū ran denūok. Ra 19  
nenora nīmtum kik oneni yōūp mafeli nīmpugon kik  
ōmīntorileki ra nemap; it kīmeti-nevī marugi nemap;  
it kik navivon nemap im kik ōmīntorileki ra navivon  
nemap.

- 20 Im Adam yimatov nin retepon eni memokū Iv, it iyi dīneme en irora mori sū umprokomūrep.
- 21 Im Iehōva Nōbū yimumpi nišekon Adam im retepon eni ōvun nemas ugi nohelīstan mō mevarugi.
- 22 Im Iehōva Nōbū yōmenūwi memokū, Pah, neteme mori otepū sugku sī kos ugi noīntan aremī im sat, im marima kū en tawi iyi iēvan gi nokoben eni mō menesevi novūan nē nomūrep sugkū, mō meneni, mō meno-
- 23 mūrep ūvum nevi sū indōwi; Iehōva Nōbū yimtamūli iyi ratilat denūok Iden worokeli nemap mori yeti nevī
- 24 iyi marugi; Iyi yimtelesi neteme mori ratilat mō metipe ūnūrū ran denūok kerūvim im nzetūga tantop yumprokesilūamen, mori yesepen nevoli pe woressareki selat worefīnte pe selat ra nē nomūrep.

# K E N E S I S

K U

N E T I Y I R A P O T N I

L O N D O N

B R I T I S H A N D F O R E I G N B I B L E S O C I E T Y